



Îr al è muart miò cusin Bertoldino di Bertolasse. Al veve 70 agns e une cariere incredibile par lis ostarîs. Doi agns fa e jere muarte la sô spose, une femine abissine da l'anim tant nobil.

Come in tal teatri dal assurt di Achille Campanile, "Il povero Piero", îr, a mi, a mi scjampave ancje di ridi a scoltâ une femine, dal fisic matronâl, che e contave di vê preparât une mignestre di verzis e, par no lassâ la mignestre lamie, e zontave ancje cualchi malignitât su cierts miò parints.

Vuê a mi à telefonât mê sôr Mirte. Mi à ricuardât di quant che cun Bertoldino a jerin ta lis elementârs.

Cussì, a mi mi è vignût di scrivi un stramp ma afetuôs ricuart.

Bertoldino ta lis elementârs al scriveve par cont de mestre i bogns e i triscj a la lavagne. "Mirta cattiva", al scriveve simpri. Puare Mirte, le sô cusinute. Je, invezit, e jere buine e la mestre abissine a no i crodeve a Bertoldino. Bertoldino al jere pì grant di Mirte ma a jerin

inte stesse aule par vie che une sole mestre a insegnave a pì classis. Bertoldino al prometeve a Mirte di segnâle tra i bogns e cussì al lave a fâsi un gîr in biciclete. Mirte e jere la uniche a vê la biciclete, dato che siò pari Faustin a lis vendeve.

Bertoldino al imparave lis leziions di storie a memorie e dopo a lis cjantave. Al cjantave “la guerra di Troia”.

Aromai grant e patentât Bertoldino si jere ufiart di insegnâ a Mirte a voidâ la machine. Ma, dopo la partence, i veve dit: “e cumò rangjiti”.

Si conte che Attile al vedi sparagnât Bertolasse de distruzion par merit di une murose ... di Bertoldino si conte cal vedi distrust metât Bertoldel, par dile juste, dute une file di machinis parchegjadis alî intant che al passave cu la sô.

Bertoldino a Lourdes al cognosseve dutis li ostarîs. Al jere volontari da l’Unitalsi, come la Violetta, la sô dolcissime femine, abissine come la mestre da lis elementârs.

Bertoldino a Lourdes al convinceve a lâ par ostarîs ancje i miedis.

di DoneBete

#54